

四庫全書

集部

欽定四庫全書

御定全唐詩卷五百五十

趙嘏

歲暮江軒寄盧端公

積水生高浪長風自北時萬艘俱擁棹上客獨吟詩
路以重湖阻心將小謝期渚雲愁正斷江雁重驚悲
笑憶遊星子歌尋寵貴池夢來孤島在醉醒百憂隨
戍迥煙生晚江寒鳥過遲問山樵者對經雨釣船移
敢歎今留

滯猶勝曩別離醉從陶令得善必丈人知道蹇才何取
思深斂不疑此身同岸柳只待變寒枝

秋日吳中觀貢藕

野艇幾西東清泠映碧空褰衣來水上捧玉出泥中葉
亂田田綠蓮餘片片紅激波纔入選就日已生風御潔
玲瓏膳人懷拔擢功梯山謾多品不與世流同

華清宮和杜舍人

一作張
枯詩

五十年天子離宮仰峻

一作舊粉

牆登封時正泰御宇日何

一作初

長上位先名實中興事憲章起

一作舉

戎輕甲冑餘

地復

一作取

河湟道帝玄元祖儒封孔子王因緣百司署

聚會一人湯渭水波搖綠秦郊

一作山

草半黃馬馴金勒

細鷹健玉鈴鏘

一作馬頭開夜照鷹眼利星芒

下箭朱弓滿鳴鞭皓腕

攘畋思獲呂望諫祇避周昌兔跡貪前逐梟心不早防

幾添鸚鵡勸先

一作類

賜荔枝嘗月鎖千門靜天吹

一作高

一笛涼細音搖羽

一作翠

珮輕步宛霓裳禍亂基

一作振

潛

結升平意遽忘衣冠逃犬虜鼙鼓動漁陽外戚心殊迫

中途事可量血

一作雪

埋妃子艷

一作親

必斷祿兒腸近侍

煙塵隔前蹤輦路荒益知迷寵佞遺

一作唯

恨喪賢

一作忠

良北闕尊明主南宮遜上皇禁清餘鳳吹池冷睡

一作映

龍光祝壽山猶在流年水共傷杜鵑魂厭蜀蝴蝶夢悲

莊雀卵遺雕拱蟲絲罨畫梁紫苔侵壁潤紅樹閉門芳

守吏齊鴛瓦耕民得翠璫登年齊酺樂

一作昔時飲康樂

講武

舊兵場暮草深巖翠

一作露

幽花墜徑香不堪垂白叟行

折御溝楊

下第

南溪抱瓮客失意自懷羞
晚路誰携手殘春自白頭

到家

一作杜牧詩
題作歸家

童稚苦相

一作穉
子牽衣

問歸來何太遲
共誰爭歲月贏得鬢

邊絲

春釀

春釀正風流梨花莫問愁
馬卿思一醉不惜鷓鴣裘

寒塘

曉髮梳臨水寒塘坐見秋鄉心正無限一雁度南樓

寄前黃州實使君

池上笙歌寂不聞樓中愁殺碧虛雲玉壺凝盡重重淚
寄與風流舊使君

八月二十九日宿懷

秋天晴日菊還香獨坐書齋思已長無奈風光易流轉
強須傾酒一杯觴

泗上奉送相公

語堪銘座默含春
西漢公卿絕比倫
今日抱轅留不得
欲揮雙涕學舒人

贈桐鄉丞

舟觸長松岸勢回
潺湲一夜繞亭臺
若教靖節先生見
不肯更吟歸去來

哭李進士

一作
于鄴

牽馬街中哭送君
靈車輟雪隔城聞
唯有山僧與樵客
共舁孤櫬入幽墳

重陽

節逢重九海門外家在五湖煙水東還向秋山覓詩句

伴僧吟

一作入

對菊花風

重陽日即事

病酒堅辭綺席春菊花空伴水邊身由來舉止非閑雅
不是龍山落帽人

十無詩寄桂府楊中丞

琴酒曾將風月須謝公名跡滿江湖不知貴擁旌旗後

猶暇憐詩愛酒無

東省南宮興不孤
幾因詩酒謬招呼
一從開署芙蓉幕
曾向風前記得無

遙聞桂水遶城隅
城上江山滿畫圖
為問訾家洲畔月
清秋擬許醉狂無

日暮江邊一小儒
空憐未有白髭鬚
馬融已貴諸生老
猶自容窺絳帳無

一種吟詩號孔徒
滄江有客獨疎愚
初筵盡辟知名士

許到風前月下無

望斷南雲日已晡
便應憑夢過重湖
不知自古登龍者
曾有因詩泥得無

早遊門館一樵夫
祇愛吟詩傍藥爐
旌旆滿江身不見
思言記得潁川無

孔融襟抱稱名儒
愛物憐才與世殊
今日賓階忘姓字
當時省記薦雄無

僻愛江山俯坐隅
人間不是便為圖
尊前為問神仙伴

肯向三清慰薦無

膺門不避額逢珠絕境由來卷軸須早忝阿戎詩友契
趨庭曾薦禰生無

寄山僧

雲裏幽僧不置房椽花藤葉蓋禪牀朝來逢著山中伴
聞說新移最上方

喜張漬及第

九轉丹成最上仙青天暖日踏雲軒春風賀喜無言語

排比花枝滿杏園

贈張漬榜頭被駁落

莫向花前泣

一作春風送

酒杯謫仙依舊

一作真個

是仙才猶堪

與世為祥瑞曾到蓬山頂上來

悼亡二首

一燭從風到奈何二年衾枕逐流波
雖知不得公然淚時泣闌干恨更多

明月蕭蕭海上風君歸泉路我飄蓬
門前雖有如花貌

爭奈如花心不同

宮烏栖

宮烏栖處玉樓深微月生簷夜夜心香輦不回花自落

一作發

春來空佩辟寒金

長信宮

一作孟
遲詩

君恩已盡欲何歸猶有殘香在舞衣自恨身輕不如燕
春來長遶御簾飛

廣陵城

一作孟
遲詩

紅映高臺綠繞城城邊春草傍牆生隋家不向此中盡
汴水應無東去聲

冷日過驪山

一作孟
遲詩

冷日微煙渭水愁翠華宮樹不勝秋霓裳一曲千門鎖
白盡梨園弟子頭

下第後歸永樂里自題二首

無地無媒只一身歸來空拂滿床塵尊前盡日誰相對
唯有南山似故人

玄髮侵愁忽似翁暖塵寒袖共東風公卿門戶不知處

立馬

一作在

九衢春影中

出試日獨遊曲江

江莎漸映花邊綠樓日自開池上春雙鶴遶空來又去
不知臨水有愁人

題曹娥廟

青娥埋沒此江濱江樹颼颼慘暮雲文字在碑碑已墮
波濤辜負色絲文

題段氏中臺

看山臺下水無塵
碧篠前頭曲水春
獨對一作坐一尊風

雨夜不知家有早朝人

華州座中獻盧給事

送迎皆到三峰下
滿面煙霜滿馬塵
自是追攀認知己
青雲不假送迎人

商山道中

一作度商山
晚靜又作淨

和如春色

一作煖

淨

一作靜

如秋五月商山是
勝遊當晝火

雲生不得一溪縈

一作分

作萬重愁

贈歙州妓

澹澹橫波思有餘
庾樓明月墮雲初
揚州寒食春風寺

一作市
看遍花枝盡不如

贈王明府

五柳逢秋影漸微
陶潛戀酒不知歸
但存物外醉鄉在
誰向人間問是非

呂校書雨中見訪

竹閣斜溪小檻明
惟君來賞見山情
馬嘶風雨又歸去
獨聽子規千萬聲

千秋嶺下

知有巖前萬樹桃
未逢搖落思空勞
年年盛發無人見
三十六溪春水高

歙州道中僕逃

去跳風雨幾奔波
曾共辛勤奈若何
莫遣窮歸不知處
秋山重疊戍旗多

重陽日寄韋舍人

節過重陽菊委塵江邊病起杖扶身不知此日龍山會
誰是風流落帽人

贈薛勛下第

一擲雖然未得盧驚人不用繞牀呼牢之坐被青雲逼
祇問君能酷似無

宛陵望月寄沈學士

一川如畫敬亭東待詔閑遊處處同天竺山前鏡湖畔

何如今日庾樓中

翡翠巖

芙蓉幕裏千場醉
翡翠巖前半日閒
惆悵晉朝人不到
謝公拋力上東山

發新安後途中寄盧中丞二首

樓上風流庾使君
笙歌曾醉此中聞
目前已是陵陽路
回首叢山滿眼雲

晚樹蕭蕭促織愁
風簾似水滿牀秋
千山不礙笙歌月

誰伴羊公上夜樓

留題興唐寺

滿水樓臺滿寺山七年今日共躋攀
月高對菊問行客去折芳枝早晚還

廣陵道

闢鷄臺邊花照塵煬帝陵下水含春
青雲回翅北歸雁白首哭途何處人

茅山道中

溪一作煙

樹重重水亂流馬嘶殘雨晚程秋門前便是仙

山路目送歸

一作斷寒

雲一作鴻

不得遊

江上與兄別

楚國湘江兩渺瀰暖川晴雁背帆飛人間離別盡堪哭
何況不知何日歸

落第

九陌初晴處處春不能回避看花塵由來得喪非吾事
本是釣魚船上人

宛陵館冬青樹

一作漢陰亭樹

碧樹如煙覆晚波
清秋欲盡客重過
一作家故園亦有如

煙樹鴻雁不來風雨多

贈五老韓尊師

有客齋心事
玉晨對山鬚
鬚綠無塵住
山道士年如鶴
應識當時五老人

經汾陽舊宅

門前不改舊山河
破虜曾輕馬伏波
今日獨經歌舞地

古槐疎冷

一作影

夕陽多

寄盧中丞

葉覆清溪澹澹紅
路橫秋色馬嘶風
獨攜一榼郡齋酒

吟對青山憶謝公

途中

故園回首雁初來
馬上千愁付一杯
惟有新詩似相識
暮山吟處共徘徊

寄裴澗

綺雲初墮亭亭月錦席惟橫濫濫波宋玉逢秋正高卧
一篇吟盡奈情何

淮南丞相坐贈歌者虞姁

綺筵無處避梁塵虞姁清歌日

一作白

日新來值渚亭花

欲盡一聲留得滿城春

酬段侍御

蓮花上客思閒閒數首新詩到簾闌吟得楚天風雨霽
一條江水兩三山

尋僧二首

臺殿參差日墮塵塢西歸去一庵雲寒泉何處夜深落
聲隔半簾疎葉聞

溪戶無人谷

一作百

鳥飛石橋橫水掛禪衣看雲日暮倚

松立野水亂鳴僧未歸

發栢梯寺

一泓秋水千竿竹靜得勞生半日身猶有向西無限地
別僧騎馬入紅塵

西江

一作晚泊

茫茫靄靄失西東
柳浦桑村處處同
戍鼓一聲帆影盡
水禽飛起夕陽中

南池

照影池邊多少愁
往來重見此塘秋
芙蓉苑外新經雨
紅葉相隨何處流

江樓舊感

一作感懷

獨上江樓思渺然
月光如水水如天
同來望月人

一作月人

何處風景依稀似去年

南園

雨過郊園

一作原

綠尚微落花惆悵滿塵衣芳尊有酒無

人共日暮看山還獨歸

南亭

孤亭影在亂花中
悵望無人此醉同
聽盡暮鐘猶獨坐
水邊襟袖起春風

贈女仙

水思雲情小鳳仙月涵花態語如絃不因金骨三清客
誰識吳州有洞天

宣州送判官

來時健筆佐嫖姚去折槐花度野橋誰見尊前此惆悵
一聲歌盡路迢迢

宿僧院

月滿長空樹滿霜度雲低拂近簷牀林中夜半一聲磬
卧見高僧入道場

尋僧

斜日橫窓起暗塵
水邊門戶閉閒春
千竿竹裏花枝動
只道無人似有人

經王先生故居

晚波東去海茫茫
誰識蓬山不死鄉
美玉已歸蕭史去
碧樓紅樹倚斜陽

送從翁中丞奉使黠戛斯六首

揚雄詞賦舉天聞
萬里油幢照塞雲
僕射峰西幾千騎

一時迎著漢將軍

旌旗杳杳雁蕭蕭
春盡窮沙雪未消
料得堅昆受宣後
始知公主已歸朝

雖言窮北海雲中
屬國當時事不同
九姓如今盡臣妾
歸期那肯待秋風

牢山望斷絕塵氛
濫濫河西拂地雲
誰見魯儒持漢節
玉關降盡可汗軍

山川險易接胡塵
秦漢圖來或未真
自此盡知邊塞事

河湟更欲託何人

秦皇無策建長城
劉氏仍窮北路兵
若遇單于舊牙帳
却應傷歎漢公卿

東亭柳

拂水斜煙一萬條
幾隨春色倚

一作醉

河橋不知別後誰

攀折猶自風流勝舞腰

僧舍二首

祇言雙鬢未蹉跎
獨奈牛羊送日何
禪客不歸車馬去

晚簷山色為誰多

溪上禪關水木間
水南山色與僧閒
春風盡日無來客
幽磬一聲高鳥還

新月

玉鉤斜傍畫簷生
雲匣初開一寸明
何事最能悲少婦
夜來依約落邊城

贈皇甫垣

養由弓箭已無功
牢落生涯事事同
相勸一杯寒食酒

幾多辛苦到春風

四祖寺

千株松下雙峰寺一盞燈前萬里身
自為心猿不調伏祖師元是世間人

聽蟬

噪蟬聲亂日初曛絃管樓中永不聞
獨一作爭奈愁人數

莖髮一作髮故園秋隔五湖雲

寄遠

禁鐘聲盡見棲禽
關塞迢迢故國心
無限春愁莫相問
落花流水洞房深

池上

正憐佳月夜深坐
池上暖回燕雁聲
猶有漁舟繫江岸
故人歸盡獨何情

春日書懷

暖鶯春日舌難窮
枕上愁生曉聽中
應裏綠窓殘夢斷
杏園零落滿枝風

贈別

水邊秋草暮萋萋欲駐殘陽恨

一作去

馬蹄曾是管絃同

醉伴一聲歌盡

一作斷

各東西

靈巖寺

館娃宮伴千年寺水闊雲多客到稀聞說春來更

一作倍

惆悵百花深處一僧歸

代人聽琴二首

抱琴花夜不勝春獨奏相思淚滿巾第五指中心最恨

數聲嗚咽為何人

湘娥不葬九疑雲
楚水連天坐憶君
惟有啼烏舊名在
忍教嗚咽夜長聞

訪沈舍人不遇

溪翁強訪紫微郎
曉鼓聲中滿鬢霜
知在禁闈人不見
好風飄下九天香

座中獻元相公

初嘏嘗家於浙西有笑姬惑之
計偕會中元鶴林之遊浙帥窺

其姬遂奄有之明年嘏
及第因以一絕箴之云

寂寞堂前日又曛
陽臺去作不歸雲
從來聞說沙吒利
今日青娥屬使君

遣興二首

溪花入夏漸稀疏
雨氣如秋麥熟初
終日苦吟人不會
海邊兄弟久無書

讀徹殘書弄水回
暮天何處笛聲哀
花前獨立無人會
依舊去年雙燕來

送李給事

一作蕭
旆相公歸山

眼前軒冕是鴻毛
天上人間漫自勞
脫却朝衣獨歸作
東便去青雲不及白雲高

宿僧舍

高僧夜滴芙蓉漏
遠客窓含楊柳風
何處相逢話心地
月明身在磬聲中

吳門夢故山

心熟家山夢不迷
孤峰寒遶一條溪
秋窗覺後情無限
月隨館娃宮樹西

別李譜

尊前路映暮塵紅池上琴橫醉席風今日別君如別鶴
聲容長在楚絃中

和杜侍御題禪智寺南樓

樓畔花枝拂檻紅露天香動滿簾風誰知野寺遺鈿處
盡在相如春思中

發青山

鳬鷺聲暖野塘春鞍馬嘶風一作風高驛路塵一宿青山又

前

一作須

去古來難得是閑人

入藍關

微煙已辨秦中樹
遠夢更依江上臺
看落晚花還悵望
鯉魚時節入關來

落第寄沈詢

穿楊力盡獨無功
華髮相期一夜中
別到江頭舊吟處
為將雙淚問春風

送韋中丞

二年恩意是春輝
清淨胸襟似者稀
泣盡楚人多少淚
滿船唯載酒西歸

詠端正春樹

一樹繁陰先著名
異花奇葉儼天成
馬嵬此去無多地
祇合楊妃墓上生

叙事獻同州侍御三首

青雲席中羅襪塵
白首江上吟詩人
登龍不及三千士
虛度膺門二十春

平生望斷雲層層紫府杳是他人登却應歸訪溪邊寺
說向當時同社僧

尊前誰伴謝公遊蓮岳晴來翠滿樓坐見一方金變化
獨吟紅藥對殘秋

婺州宴上留別

一作婺州宴
留上蕭員外

雙溪樓影向雲橫歌舞一作轉高臺晚更清獨自下樓騎

瘦馬搖鞭重入亂蟬聲

別牛郎中門館

整襟收淚別朱門
自料難酬顧念恩
招得片魂騎匹馬
西風斜日入秋原

山中寄盧簡求

竹西池上有花開
日日幽吟看又回
心憶郡中蕭記室
何時暫別醉鄉來

寄梁僧兄弟

桃李春多翠影重
竹樓當月夜無風
荀家兄弟來還去
獨倚欄干花露中

同州南亭陪劉侍郎送劉先輩

處處雲隨晚望開洞庭秋水

一作入

管絃來謝公待醉消

離恨莫惜臨川酒一杯

贈館驛劉巡官

雲別青山馬踏塵負才難覓作閑人莫言館驛無公事
詩酒能消一半春

贈解頭賈嵩

賈生名跡忽無倫十月長安看盡春顧我先鳴還自笑

空沾一第是何人

題僧壁

曉望

一作傍

疎林露滿巾碧山秋寺屬閑人溪頭盡日看

紅葉却笑高僧衣有塵

沙溪館

一作仙娥驛

翠濕衣襟山滿樓竹間溪水繞牀流行人莫

一作亦

羨郵

亭吏生向此中今白頭

前二句一作早秋樹遶溪色繞牀流亭氣

李侍御歸炭谷山居同宿華嚴寺

家在青山近玉京白雲紅樹

一作葉

滿歸程相逢一宿最

高寺半夜翠微泉落聲

過噴玉泉

平生半為山淹留馬上欲去還回頭兩京塵路一雙鬢
不見玉泉千萬秋

漢陰庭樹

掘溝引水繞蔬圃插竹為籬護藥苗楊柳如絲風易亂
梅花似雪日難消

送王龜拾遺謝官後歸澹水山居

水邊殘雪照亭臺，臺上風襟向雪開。
還似當時姓丁鶴，羽毛成後一歸來。

宿長水主人

白雲溪北叢巖東，樹石夜與潺湲通。
行人一宿翠微月，二十五絃聲滿風。

寒食離白沙

莫驚客路已經年，尚有青春一半妍。
試上方垣望春野。

萬條楊柳拂青天

將發循州社日于所居館宴送

浪花如雪疊江風社過高秋萬恨中
明日便隨江燕去
依依俱是故巢空

句

浮雲悲晚翠落日泣秋風

見萬花谷

語風雙燕立裏樹百

勞飛
松島鶴歸書信絕橘洲風起夢魂香
徒知六

國隨斤斧莫有群儒定是非

題秦皇句宣宗覽之不悅以上見優古堂詩話

一千里色中秋月十萬軍聲半夜潮

錢塘

梁王舊館已

秋色珠履少年輕繡衣

以上見
主客圖



御定全唐詩卷五百五十

欽定四庫全書

集部

御定全唐詩卷五百五十一至
四

詳校官庶吉士臣胡鉦

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣曹錫齡

欽定四庫全書

御定全唐詩卷五百五十一

盧肇

盧肇字子發袁州人會昌三年登第初為鄂岳盧商從事後除著作郎遷倉部員外郎充集賢院直學士咸通中出知歙州移宣池吉三州卒賦集八卷詩文集十三卷今編詩一卷

漢隄詩

并序

上元年秋漢水大溢齧襄隄以入既沈漢鄆遂滅
峴趾棟橈且流壓溺無算襄之城僅以門免三日
水去陷為大塗餘民棲於楚山號不敢下餒躋相
挽其能全者什六七上大憂曰襄惟東南實脰荆
海若氣不息吾躬曷瘳今天下災於有漢庭垣盡
渚齒豁在淖有嬰墜井毋實號之今襄人盡墜吾
號尚及哉咨乃卿士疇能振之以易吾亂咸以地
官范陽公舊理南粵島夷率化甘於民心俾踐於

襄必克底又上俞以往公既至省漢之溺由舊防
之不固幾五十載又詢之漢水之不犯襄郭惟是
甚災既魚士庶災或能嗣孰以遏之募民新漢之
隄食穀其功資三其食因故隄之址廣倍之高再
倍之距襄之郊繚半百里明年春隄成公具以疏
上大歡復襄之疲民一祀賑穀十萬斛民既保寧
謳歌怡愉既而舒蘓不知曩之災也昔狄敗衛侯
於熒澤齊桓公帥諸侯城緣陵以居之而衛國忘

亡君子是以稱桓公之德今公之為是隄也裏有
衛人之思焉而况宣天子之慈以生厥民曷齊桓
之尚哉噫五材之生沴也必極於物物之既極天
必資明哲以蘇之理之常也古之人有力保一邑
勇禦一寇謂之有功尚以金石載之况捍大災救
大患其美若是豈得無稱焉是宜以聲詩播之登
於樂府惟漢亦有瓠子之歌是可類之謹按正考
甫作商詩公子奚斯命太史克請於周作魯詩皆

其國之公族也肇於公為族孫幸力於文所不宜
默唯峴之碑曰羊公惟隄之詩曰盧公是古今之
相光昭也其誰曰不然詩曰

陰沴姦陽來暴於襄洎入大郭波端若鉉觸厚推高不
知其防駭潰顛委萬室皆毀竈登蛟鼉堂集鱣鮪惟思
若讎母不能子洪潰既涸閑閤其虛以墮我堵以剝我
廬酸傷顧望若踐丘墟帝曰念嗟朕日南顧流災降慝
天曷台怒滔滔襄郊梓我嬰孺於惟餘吐飢傷喘呼斯

為淫瘼孰往膏傳惟汝元寮僉舉明哲我公用諧苴茅
杖節來視襄人噢咻提挈不日不月哈乎忭悅乃泳故
隄陷於沙泥缺落坳圯由東訖西公曰嗚呼漢之有隄
實命襄人不力乃力則及乃身具錡與畚漢隄其新帝
廩有粟帝府有緡爾成爾隄必錫爾勤襄人怡怡聽命
襄許背囊肩杵奔走蹈舞分之卒伍令以麾鼓尋尺既
度日月可數登登葉葉周旋上下披岷斲楚飛石輓土
舉築殷雷駭汗霏雨疲瘡鰥獨奮有筋膂呀呀來助提

筐負筥不勞其勞雜沓笑語咸曰盧公來賜我生斯隄
既成蜿蜿而平確爾山固屹如雲橫漢流雖狂堅不可
蝕代千年億與天無極惟公之隄昔在人心既築既成
橫之於南萌渚不峻此門不深今復在慈於漢之陰斯
隄已崇茲民獲祐覩童相慶室以完富貽於襄人願保
厥壽繫公之功赫焉如晝捍此巨災崱若京阜天子賜
之百姓載之族孫作詩昭示厥後

題甘露寺

北固巖端寺佳名自上台地從京口斷山到海門廻曙
色煙中滅潮聲日下來一隅通雉堞千仞聳樓臺林暗
疑降虎江空想度杯福庭增氣象仙磬落昭回覺路花
非染流年景謾催隋宮凋綠草晉室散黃埃西蜀波湍
盡東溟日月開如登最高處應得見蓬萊

江陵府初試澄心如水

丹心何所喻唯

一作為

水並清虛莫測千尋底難知一勺

初內明非有物上善本無魚澹泊隨高下波瀾逐卷舒

養蒙方浩浩出險

一作海

每徐徐若灌情田裏常流盡不

如

風不鳴條

習習和風至過條不自鳴暗通青律起

一作暖

遠傍白蘋

生拂樹花仍落經林鳥自

一作詎

驚幾牽蘿蔓動潛惹柳

絲輕入谷

一作幽澗

迷松響

一作韻

開

一作閑

窓失竹聲薰弦方

在御萬國仰皇情

別宜春赴舉

秋天草木正蕭疎西望秦關別舊居筵上芳樽今日酒
篋中黃卷古人書辭鄉且伴一作離衡蘆雁入海終為
戴角魚長短九霄飛直上不教毛羽落空虛

射策後作

射策明時愧不才敢期青律變寒灰晴憐斷雁侵雲去
暖見醺雞傍酒來箭發尚憂楊葉遠愁生只恐杏花開
曲江春淺人游少盡日看山醉獨回

和主司王起

一作奉和主司王僕射
答周侍郎賀放榜作

嵩高降德為時生洪筆三題造化名鳳詔佇歸專北極
驪珠搜得盡東瀛褒衣已換金章貴禁掖曾隨玉樹榮
明日定知同相印青衿新列柳間營

及第一本有
後字

送潘圖歸宜春

三載皇都恨食貧北溟今日化窮鱗青雲乍喜逢知己
白社猶悲送故人對酒共驚千里別看花自感一枝春
君歸為說龍門寺一作事雷雨初生電遶身

將歸宜春留題新安館

東里如今號鄭鄉西家昔日近丘牆芸臺四部添新學
秘殿三年學老郎天外駕驚愁不見山中雲鶴喜相忘
猶張皂蓋歸蓬華直謂時無許子將

競渡詩

一作及第後江寧觀競
波寄袁州刺史成應元

石溪久住思端午館驛樓前看發機鞞鼓動時雷隱隱
獸頭凌處雪微微衝波突出人齊噉躍浪爭先鳥退飛
向道是龍剛不信果然奪得錦標歸

除歙州途中寄座主王侍郎

一本題上有成
通初恩四字

忽忝專城奉六條
自憐出谷屢遷喬
驅車雖道還家近
捧日惟愁去國遙
朱戶昨經新綬戟
風帆常覺纛簫瓢
江天夜夜知消息
長見台星在碧霄

御溝水

萬壑朝溟海
縈迴歲月多
無如此溝水
咫尺奉天波

楊柳枝

青鳥泉遶草木春
黃雲塞上是征人
歸來若得長條贈
不憚風霜與苦辛

新植紅茶花偶出被人移去以詩索之

嚴

一作最

恨柴門一樹花便隨香遠遠香車花如解語還

應道欺我郎君不在家

戲題

肇初計偕至襄陽奇章公方有真珠之惑

神女初離碧玉階彤雲猶擁牡丹鞋知道相公憐玉腕
強將纖手整金釵

成名後作

挂在蟾宮不可攀功成業熟也何難今朝折得東歸去

共與鄉閭年少看

登祝融寺蘭若

一作登南岳月宮蘭若

祝融絕頂萬餘層
策杖攀蘿步步登
行到月宮霞外寺
白雲相伴兩三僧

被謫連州

黃絹外孫翻得罪
華顛故老莫相嗤
連州萬里無親戚
舊識唯應有荔支

謫後再書一絕

崆峒道士悞燒丹赤鼠黃牙幾許難墜隨閣浮南斗下
不知何事犯星官

題清遠峽觀音院二首

清潭洞澈深千丈危岫攀蘿上幾層秋盡更無黃葉樹
夜闌唯對白頭僧

風入古松添急雨月臨虛檻背殘燈老猿嘯狖還欺客
來撼窓前百尺藤

喜楊舍人入翰林

御筆親批翰長銜夜開金殿送瑤絨
平明玉案臨宣室
已見龍光出傅巖

謫連州書春牛榜子

陽和未解逐民憂
雪滿群山對白頭
不得職田饑欲死
兒儂何事打春牛

送弟

去日家無擔石儲
汝須勤苦事樵漁
古人盡向塵中遠
白日耕田夜讀書

牧童

誰人得似牧童心牛上橫眠秋聽深時復往來吹一曲
何愁南北不知音

嘲小兒

貪生只愛眼前珍不覺風光度歲頻昨日見來騎竹馬
今朝早是有年人

金錢花

輪郭休誇四字書紅窠寫出對庭除時時買得佳人笑

本色金錢却不如

木筆花

嬖如新竹管初齊
粉膩紅輕樣可攜
誰與詩人偎檻看
好於牋墨併分題

句

君夢泔陽月中秋
憶棹歌

見岳州府志

妙吹應諧鳳工書

定得鵝

李羣玉善急就章喜食鵝
聲贈句云云見紀事

亭邊古木晝陰陰

亭下寒潭百丈深
黃菊舊連陶令宅
青山遙負向平心

題綠陰亭 見
臨江府志

御定全唐詩卷五百五十一

欽定四庫全書

御定全唐詩卷五百五十二

丁稜

丁稜字子威會昌三年進士是歲王起再知貢舉盧肇
丁稜姚鵠以李德裕薦依次放榜詩二首

塞下曲

北風鳴晚角雨雪塞雲低烽舉戰軍動天寒征馬嘶出
營紅旆展過磧暗沙迷諸將年皆老何時罷鼓鼙

和主司王起

一作和主司王僕射荅
華州周侍郎賀放榜作

公心獨立副天心三轄春闈冠古今蘭署門生皆入室

蓮峰太守別知音同升

一作飛

翰苑時名重遍歷朝端主

意深新有受恩江海客坐聽朝夕繼為霖

高退之

高退之字遵聖會昌三年進士第詩一首

和主司王起

一作和主司王僕射
酬周侍郎賀放榜

昔年桃李已滋榮今日蘭蓀又發生葑菲采時皆有道

權衡分處且無情
叨陪鴛鴦朝天客
共作門闌出谷鶯

何事感恩偏覺重
忽聞金榜扣柴荆

自注退之自願微劣不敢有叨竊之

望策試之後遂歸藍屋山居不期一旦選士及第進人齋榜扣關相報方知忝矣

孟球

孟球字廷玉會昌三年進士第咸通中檢校工部尚書

徐州刺史詩一首

和主司王起

一作和主司酬周侍郎

當年門下化龍成
今日餘波進後生
仙籍共知推麗藻

一作則

禁垣同得薦嘉名
桃蹊早茂誇新萼
菊圃初開耀

晚英誰料羽毛方
出谷許教齊和九
臯鳴

劉耕

劉耕會昌三年進士第詩一首

和主司王起

一作和主司
酬周侍郎

孔門頻建鑄顏功
紫綬青衿感激同
一簣勤勞成太華
三年恩德仰

一作等

維嵩楊隨前輩穿
皆中桂許平人折

欲空慚和周郎應
見顧感知大造竟
無窮

裴翻

裴翻字雲章會昌三年進士第詩一首

和主司王起

一作和主司
酬周侍郎

常將公道選群生猶被春闈屈重名文柄久持殊歲紀
恩門三啓動宸瀛雲霄幸接駕鸞盛變化欣同草木榮
乍得陽和如細柳參差長近亞夫營

樊驤

樊驤字元龍會昌三年進士第詩一首

和主司王起

一作和主司
酬周侍郎

滿朝簪髮半門生又見新書甲乙名
孤進自今開道路至公依舊振寰瀛
雲飛太華清詞著花發長安白屋榮
忝受恩光同上客惟將報德是經營

崔軒

崔軒字鳴山

一作嵐

會昌三年進士第詩一首

和主司王起

一作和主司
酬周侍郎

滿朝朱紫半門生新榜勞人又得名
國器舊知收片玉

朝宗轉覺集登瀛同升翰苑三千美繼入花源九族榮
共仰蓮峰聽雪唱欲賡仙曲意怔營

蒯希逸

蒯希逸字大隱會昌三年登第杜牧有池州送希逸詩

詩一首

和主司王起

一作和主司
酬周侍郎

一振聲華入紫薇三開秦鏡照春闈龍門舊列金章貴
鶯谷新遷碧落飛恩感風雷宜一作皆變化詩裁錦繡借

一作
惜 光輝誰知散質多榮忝駕鷺清塵接布衣

句

蟾蜍醉裏破蛺蝶夢中飛

牛相在揚州常稱之

山險不曾離馬

後酒醒長見在牀前

希逸有僕武幹相隨十餘歲希逸權第乞歸養親留之不得以詩送

之士人皆有繼和並見紀事

林滋

林滋字後象閩人會昌三年進士第與同年詹雄鄭誠齊名時稱雄詩誠文滋賦為閩中三絕官終金部郎中

詩六首

望九華山

茲山突出何怪奇，上有萬狀無凡姿。
大者嶙峋若奔兕，小者嵒嵬如嬰兒。
玉柱金莖相拄枝，千空踰碧勢參差。
虛中始訝巨靈擘，峭處乍驚愚叟移。
蘿煙石月相蔽虧，天風裊裊援伊伊。
龍潭萬古瀆飛溜，虎穴幾人能得窺。
吁予比年愛靈境，到此始覺魂神馳。
如何獨得百丈索，直上高峰拋俗羈。

春望

春海鏡

一作接

長天青郊麗上年林光虛霽曉山翠薄晴

煙氣暖禽聲變風恬草色鮮散襟披石磴韶景自深憐

蠡澤旅懷

誰言行旅日况復桃花時水即滄溟

一作浪

遠星從天漢

垂川光獨鳥暮林色落英遲宣是王程急偏多游子悲

宴韋侍御新亭

煙磴披青靄風筵藉紫苔花香凌桂醕竹影落藤栝鳴

籟將歌遠飛枝拂舞開未愁留興晚明月度雲來

人日

一下有題
日二字

春輝新入碧煙開芳院初將穆景來共向花前圖瑞勝
試看池上動輕苔林香半落沾羅幌蕙色微含近酒枯
聞道宸游方命賞應隨恩賚喜昭回

和主司王起

一作和主司
酬周侍郎

龍門一變荷生成況是三傳不朽名美譽早聞喧北闕
頽波今見走東瀛駕行既接參差影雞樹仍同次第榮

從此青衿與朱紫升堂侍宴更何營

李宣古

李宣古字垂後會昌三年進士第詩四首

聽蜀道士琴歌

第五句缺一字

至道不可見正聲難得聞
忽逢羽客抱綠綺西別峨嵋
峰頂雲初排闕面躡輕響似擲細珠鳴
玉上忽揮素爪畫七絃蒼崖劈裂迸
碎泉憤聲高怨聲咽屈原叫天兩
妃絕朝雉飛雙鶴離屬王夜啼獨
鶩悲吹我神飛碧霄

裏牽我心靈入秋水有如驅逐太古來邪淫辟蕩貞心
開孝為子忠為臣不獨語言能教人前美嘯後美嘖一
舒一慘非冬春從朝至暮聽不足相將直說瀛洲宿更
深彈罷背孤燈窓雪蕭蕭打寒竹人間豈合值仙蹤此
別多應不再逢抱琴却上瀛洲去一片白雲千萬峰

和主司王起

一作和主司
酬周侍郎

恩光忽逐曉春生金榜前頭忝姓名三感至公裨造化
重揚文德振寰瀛佇為霖雨曾相賀半在雲霄覺更榮

何處新詩添照灼碧蓮峰下柳間營

杜司空席上賦

紀事云杜司空自忠武軍節度使出鎮澧陽宣古數陪游宴

乘醉慢侮惊欲辱之長林公主曰豈有飲而舉人細過耶謂宣古請為詩冀彌縫也宣古得韻

立成此詩

紅燈初上月輪高照見堂前萬朶桃蹙栗調清銀象

一作

字管琵琶聲亮紫檀槽能歌姹女顏如玉解引蕭郎眼

似刀爭奈夜深拋耍令舞來接一作去使人勞

賦寒食日亥時

一作寒食夜

人定朱門尚未一作半開初星粲粲照人回此時寒食無

煙火一作燈燭花柳蒼蒼月欲來

句

翠蓋不西來池上天池歇冉冉池上煙盈盈池上柳

生貴非道傍不斷行人手張為主客圖

黃頗

黃頗宜春人以洪興文章蹉跎者一十三載至會昌三年登第官監察御史詩三首

風不鳴條

一作舒
元興

五緯

一作習習

起祥飈無聲瑞聖朝稍開含露藥

一作夢

纔轉

惹煙條密葉應潛變

一作長

低枝幾暗搖林間鶯欲轉花

下蝶微飄初滿汧堤草因生逐水苗太平無一事天外

奏虞

一作雲韶

和主司王起

一作和主司
酬周侍郎

二十二年文教主三千上士滿皇州獨陪宣父蓬瀛奏

方接顏生魯衛遊多羨龍門齊變化屢看雞樹第名流

升堂何處最榮美朱紫環鑄幾處酬

聞宜春諸舉子陪郡主登河梁翫月

一年秋半月當空遙羨飛觴接庾公虹影迴分銀漢上
兔輝全寫玉筵中笙歌送盡迎寒漏水雪吟消永夜風
雖向東堂先折桂不如賓席此時同

張道符

張道符字夢錫會昌三年進士第詩一首

和主司王起

一作和主司
酬周侍郎

三開文鏡繼芳聲暗暗雲霄接去程會歷一作厭洪波先

得路早陞清禁共垂名蓮峰對處朱輪貴金榜傳時王

韻成更許下一作不

才聽白雪一枝今過却詵榮

丘上卿

丘上卿字陪之會昌三年進士第詩一首

和主司王起

一作和主司
酬周侍郎

常將公道選諸生不是鴛鴻不得名天上宴回聯步武

禁中麻出滿囊瀛簪裾盡過前賢貴門館仍叨舊學榮

看著鳳池相繼入都堂那肯滯關營

石貫

石貫字總之會昌三年進士第詩一首

和主司王起

一作和主司
酬周侍郎

重德由來為國生五朝清顯冠公卿風波久佇濟川楫
羽翼三遷出谷鶯絳帳青衿同日貴春蘭秋菊異時榮
孔門弟子皆賢哲誰料窮儒忝一名

李潛

李潛字德隱宜春人會昌三年進士第詩一首

和主司王起

一作和主司
酬周侍郎

文學宗師心秤平無私三用佐貞明恩波舊是仙舟客
德字新添月桂名蘭署宗資金色重蓮峰高唱玉音清
羽毛方荷生成力難繼鸞皇上漢聲

孟守

孟守

一作
字

處中長慶三年王起主文嘗放及第為時

相所退至會昌三年起再知貢舉守龍鍾就試成名詩

一首

和主司王起

一作和主司
酬周侍郎

科文又主守初時光顯門生濟會期美擅東堂登甲乙
榮同內署侍恩私羣鶯共喜新遷木雙鳳皆當即入池
別有倍深知感士曾經兩度得芳枝

唐思言

唐思言字子文會昌三年進士第詩一首

和主司王起

一作和主司
酬周侍郎

儒雅皆傳德教行幾從浮俗贊文明
龍門昔上波濤遠禁署同登渥澤榮
虛散謬當陪杞梓後先寧異感生成
時方側席徵賢急况說謠謠近帝京

戈牢

戈英華
作左

戈牢字德膠會昌三年進士第詩二首

風不鳴條

一作章
孝標詩

旭日懸清景微風在綠條入松聲不發度

一作過

柳影空

搖長養應潛變

一作遍

扶疎每暗飄有林時嫋嫋無樹漸

一作暫

蕭蕭慢

一作誤

逐青煙散輕和瑞氣

一作樹色

饒豐年知

有待歌詠美唐堯

和主司王起

一作和主司
酬周侍郎

聖乾文德最稱賢自古儒生少比肩再啟龍門將二紀
兩司鶯谷已三年蓬山皆美成榮貴金榜誰知忝後先
正是感恩流涕日但思旌旆碧峰前

金厚載

金厚載字化光會昌三年進士第詩二首

風不鳴條

寂寂曙風生遲遲散野輕
露華搖有滴林葉裏無聲
暗翦藂芳發空傳谷鳥鳴
悠揚韶景靜澹蕩霽煙橫
遠水波瀾息荒郊草樹一作木
榮吾君垂至化萬類共澄清

和主司王起

一作和主司
酬周侍郎

長慶曾收間世英
果居臺閣冠公卿
天書再受恩波遠
金榜三開日月明
已見差肩趨翰院
更期連步掌台衡
小儒謬蹟雲霄路
心仰蓮峰望太清

王甚夷

王甚夷字無黨會昌三年進士第詩二首

風不鳴條

聖日祥風起韶暉助發生
蒙蒙遙野色裊裊細條輕
荏弱看漸動怡和吹不鳴
枝含餘露濕林霽曉煙平
縹緲春光媚悠揚景氣晴
康哉帝堯代寰宇共澄清

和王司王起

一作和王司
酬周侍郎

春闈帝念主生成長慶公聞兩歲名
有蘊赤心分雨露

無私和氣浹瀛龍門乍出難勝幸駕侶先行是最榮
遙仰高峰看白雪多慚屬和意屏營

欽定四庫全書

御定全唐詩卷五百五十三

姚鵠

姚鵠字居雲蜀人登會昌三年進士第詩一卷

送李潛歸綿州觀省

朱樓對翠微紅旆出重扉
此地千人望寥天一鶴歸
雪封山崦白鳥拂棧梁飛
誰比趨庭戀驪珠耀綵衣

塞外寄張侍御

千里入黃雲，羈愁日日新。
疎鐘關路曉，遠雨塞山春。
南眺有歸鴈，北來無故人。
却思陪宴處，迴望與天隣。

曉發

一作趙
嘏詩

旅行宜早發，況復是南歸。
月影緣山盡，鐘聲隔浦稀。
一作水

題終南山隱者居

開門絕壑旁，躡躅蘚過花。
梁路入峰巒，影風來芝朮。

一作
草

香夜吟明雪，牖春夢閉雲。
房盡室更何，有一琴魚一觴。

嘉川驛樓晚望

樓壓寒江上，開簾對翠微。
斜陽諸嶺暮，古渡一僧歸。
窗

迥雲衝起汀

一作天

遙鳥背飛誰言坐多倦
目極自忘機

送人歸吳

東吳與上國，萬里路迢迢。
為別晨昏久，全輕水陸遙。
湘

陰島上寺，楚色月中潮。
到此一長望

一作數

知君積恨銷

送石貫

一作賈

歸湖州

同志幸同年，高堂君獨還。
齊榮恩未報，共隱事應閑。
訪

寺臨湖岸開樓見海山洛中推二陸莫久戀鄉關

送劉耕歸舒州

四座莫紛紛須臾岐路分自從同得意誰不惜離羣
舊國連青海歸程在白雲弃繻當日路應競看終軍

寄贈許璋少府

若說君高道何人更得如公庭唯樹石生計是琴書詩
句峭無敵文才清有餘不知尺水內爭滯北溟魚

寄雍陶先輩

知音杳何處書札寄無由獨宿月中寺相思天畔

一作半

樓露凝衰草白螢度遠煙秋悵望難歸枕吟勞生夜愁

寄友人

西風又開菊久客意如何舊國天涯遠清砧月夜多
時難際會急景易蹉跎抱玉終須獻誰言戀薜蘿

感懷陳情

恩重空感激何門誓殺身謬曾分玉石竟自困風塵陰
谷非因暖幽叢豈望春升沈在言下應念異他人

送程秀才下第歸蜀

鶯遷與鵲退十載泣岐分蜀道重來老已後此去聞曉
程侵嶺雪遠棧入谿雲莫滯超庭戀榮親祇待君

早魚詞上苗相公

似龍鱗已足唯是欠登門日裏腮猶濕泥中目未昏乞
鋤防螳穴望水瀉金盆他日能為雨公田報此恩

野寺寓居即事二首

南山色當戶初日半簷時鶴去卧看遠僧來嫌起遲窓

明雲影斷庭曉樹陰移何處題新句連谿密葉垂
古寺更何有當庭唯折幢伴僧青蘚榻對雨白雲窓
暝色生前嶺離魂隔遠江沙洲半藜草飛鷺白雙雙

襄州獻盧尚書

立事成功盡遠圖一方獨與萬方殊藩臣皆一作昔競師

兵畧相國今多揖廟謨禮樂政行凋獎俗歌謠聲徹帝
王都即隨鳳詔歸何處祇是操持造化鑪

將歸蜀留獻恩地僕射二首

自持衡鏡採幽沈
此事常聞曠古今
危葉只將終委地
焦桐誰料却為琴
蒿萊詎報生成德
犬馬空懷感戀心
明日還家盈眼血
定應迴首即霑襟

江上長思狎釣翁
此心難與昨心同
自承丘壑一作岳新

恩重已分煙霞舊
隱空龍變偶因資
巨浪烏飛誰肯借

高風應憐死節無
門効永歎潛懷似
轉蓬一作水炭潛
憐逐轉蓬

隨州獻李侍御二首

彩筆曾專造化權
道尊翻向宦途閒
端居有地唯栽藥

靜坐無時不憶山，德望舊懸霄漢外。
政聲新溢路岐間，衆知聖主搜賢相。
朝夕欲徵黃霸還。

再別未甘何處說，但垂雙淚出咸秦。
風塵足馬來千里，蓬梗全家望一身。
舊隱每懷空竟夕，愁眉不展幾經春。
今朝儻降非常顧，倒屣寧惟有古人。

號州獻楊抑

一作大

卿二首

蓋世英華更有誰，賦成傳寫遍坤維。
名科累中求賢日，苦節高標守郡時。
樓上叫雲秋鼓角，林間宿鶴夜旌旗。

徵歸詔下應非久德望人情在鳳池

碧山曾共惜分陰暗學相如賦上林到此敢逾千里恨
歸家且遂十年心疎愚祇怯膺門險淺薄爭窺孔室深
一顧儻憐持苦節更令何處問升沈

贈邊將

三邊近日往來通盡是將軍鎮撫功兵統萬人為上將
威加千里懾西戎清笳遶塞吹寒月紅旆當山肅曉風
却恨北荒霑雨露無因掃盡虜庭空

送費練師供奉赴上都

縮地周遊不計程，古今應只有先生。
已同化鶴臨華表，又見驂龍向玉清。
蘿磴靜攀雲共過，雪壇當醮月孤明。
無因相逐朝天帝，一作去空羨煙霞得送迎。

和徐先輩秋日遊涇州南亭呈三二同年

多此歡情泛鷁舟，桂枝同折塞同遊。
聲喧島上巢松鶴，影落杯中過水鷗。
送日暮鐘交戍嶺，呌雲塞角動城樓。
酒酣笑語秋風裏，誰道槐花更起愁。

送

一本有同年二字

黃頗歸袁

莫俸連期在醉鄉孔門多戀惜分行文章聲價從來重

霄漢途程此去長何處聽猿臨萬壑幾宿

一作宵

因月一作

因宿滯三湘鑪峰若上應相憶不得同過惠遠房

和陝州參軍李通微首夏書懷呈同寮張裳段

羣二先輩

公門何事更相牽邵伯優賢任養閒滿院落花從覆地
半簷初日未開關尋仙鄭谷煙霞裏避暑柯亭樹石間

獨為高懷誰和繼
掾曹同處桂同攀

玉真觀尋趙師尊不遇

羽客朝元晝掩扉
林中一徑雪中微
松陰繞院鶴相對
山色滿樓人未歸
盡日獨思風馭返
寥天幾望野雲飛
凭高目斷無消息
自醉自吟愁落暉

及第後上主司王起

三年竭力向春闈
塞斷浮華衆路岐
盛選棟梁非一作

稱

昔日平均雨露及
明時登龍舊美無
邪徑折桂新榮盡

直枝莫道只陪金馬貴
相期更在鳳皇池

送賀知章入道

一本題上有擬字

若非堯運及垂衣
肯許巢由脫俗機
太液始同黃鶴下
仙鄉已駕白雲歸
還披舊褐辭金殿
却捧玄珠向翠微
羈束慙無仙藥分
隨車一作空有夢魂飛

送友人出塞

帝城春色著寒梅
去恨離懷醉不開
乍別欲將何計免
此行應又隔年回
入河殘日鵬西盡
卷雪驚蓬馬上來

有思莫忘清塞學衆傳君負佐王才

送僧歸新羅

淼淼萬餘里扁舟發落暉滄溟何歲別白首此時歸寒

暑途中變人煙嶺外稀驚天巨鰲鬪一徒起蔽日大鵬飛

雪入行砂屨雲生坐石衣漢風深習得休恨本心違

奉和秘監從翁夏日陝州河亭晚望

洪河何處望一境在孤煙極野如藍日長波一作似鏡

年卷簾花影裏倚檻鶴巢邊霞焰侵旌旆灘聲雜管弦

鍾微來疊岫帆遠落遙天過客多

一作煩

相指

一作訪

應疑

會水仙

風不鳴條

吾君理化清上瑞報時平曉吹何曾歇柔條自不鳴花

香知暗度柳動覺潛生只見低垂影

一作勢

那聞擊觸聲

大王初溥暢少女正輕盈幸遇無私力幽芳願發榮

書情獻知己

日日恨何窮巴雲舊隱

一作望

空一為棲寓客二見北歸

鴻有道期攀桂無門息轉蓬
賃居將磬比乞食與僧同
花月登臨處江山悵望中
衆皆輕病驥誰肯救焦桐
坐惜春還至愁吟夜每終
谷寒思變律葉晚怯迴風
謁蔡慙王粲憐衡冀孔融
深恩知一作如尚在何處問窮通

和工部楊尚書重送絕句

桂枝攀得獻廷闈何似空懷楚
橘歸好控扶搖早迴首
人人思看大鵬飛

御定全唐詩卷五百五十三

欽定四庫全書

御定全唐詩卷五百五十四

項斯

項斯字子遷江東人會昌四年擢第終丹徒尉詩一卷

寄石橋僧

逢師入山日道在石橋邊別後何

一作無

人見秋來幾處

禪溪中雲隔寺夜半雪

一作雨

添泉生有天台約知

一作應

無却

一作再

出緣

送歐陽袞歸閩中

秦城幾年住猶著故鄉衣失意時相

一作曾

識成名後獨

歸海秋蠻樹黑嶺夜瘴禽飛為學心難滿知君更掩扉

古觀

置觀碑已折看松年不分洞中誰識藥門外日添墳放
去龜隨水呼來鹿怕薰壇邈見灰火幾燒祭星文

題令狐處士谿居

白髮已過半無心離此溪病嘗山藥徧貧起草堂低為

月窓從破因詩僻重泥近來常夜坐寂寞與僧齊

送僧歸南嶽

心知衡嶽路不怕去人稀船裏誰

一作猶

鳴磬沙頭自曝

衣有家從小別是寺即言歸料得逢春

一作寒

住當禪雲

一作船雪滿扉

寧州春思

失意離城早遶城任見花初為斷酒客舊識賣書家寒
寺稀無雪春風亦有沙思歸頻入夢即路不言賒

山友贈薛花冠

塵汙出華髮，慚君青薛冠。此身閒未得，終日戴應難。好就松陰挂，宜當枕石看。會須尋道士，簪去繞霜壇。

蠻家

領得賣珠錢，還歸銅柱邊。看兒調小象，打鼓試新船。醉後眠神樹，耕時語瘴煙。不逢寒便老，相問莫知年。

早春題湖上顧氏新居二首

近得水雲看

一作雲中路

門長侵早開，到時微

一作猶

有雪行

處又

一作已

無苔勸酒客初醉留茶僧未來每逢晴暖日

唯見乞花栽

門不當官道行人到亦稀故從飧後出方

一作多

至夜深

歸開篋揀

一作收一作陳

書

一作詩

卷掃牀移褐

一作卧

衣幾時同

買宅相近有柴扉

蒼梧雲氣

何年化

一作盡

作愁漠漠便難收數點山能遠平鋪水不

流濕連湘竹暮濃葢舜墳秋亦有思歸

一作鄉

客看來盡

白頭

晚春花

陰洞日光薄花開不及時當春無半樹經燒

一作晚

足空

枝疎與香風會細將泉影移此中人到少開盡幾人知

宿胡氏溪亭

獨住水聲裏有亭無熱時客來因月宿床勢向山移鶴
睡松枝定螢歸葛葉垂寂寥猶欠伴誰為報僧知

送華陰隱者

往往到城市得非徵藥錢世人空識面弟子莫知年自
說能醫死相期更學仙近來移住處毛女舊峰前

落第後寄江南親友

古巷槐陰合愁多晝掩扉獨存過江馬強拂看花衣送
客心先醉尋僧夜不歸龍鍾易惆悵莫遣寄書稀

欲別

花時人欲別每日醉櫻桃置酒金錢盡彈箏玉指勞歸
期無歲月客路有風濤錦緞裁衣贈麒麟落剪刀

留別張水部籍

省中重拜別魚領寄

一作故

人書已念此行程

一作程

遠不應

相問疎子

一作禁

城西並宅御水北同渠要取春前到乘

閑候起居

小古鏡

字已無人識唯應記鑄年見來深似水攜去重於錢鸞
翅巢空月菱花徧小天宮中照黃帝曾得化為仙

題太白山隱者

高居在幽嶺人得見時稀寫錄局虛白尋僧到翠微掃
壇星下宿收藥雨中歸從服小還後自疑身解飛

病中懷王展先輩在天台

枕上用心靜唯應改舊詩強行休去早暫卧起還遲因
說來歸處却愁初病時赤城山下寺無計得相隨

鯉魚

似龍鱗又足只是欠登門月裏腮猶濕泥中目未昏乞
鋤防蟻穴望水寫金盆他日能為雨公田報此恩

子規

一作賈島詩

遊魂自相叫寧復記前身飛過人家月聲連客路春夢
邊催曉急愁外送風頻自有霑花血相和淚

一作露

滴新

邊州客舍

開門不成出麥色徧前坡自小詩名在如今白髮多經
年無越信終日厭蕃歌近寺居僧少春來亦嬾過

贈道者

晏來知養氣度日語時稀到處留丹

一作唯開

井終

一作經

寒

不絮衣病鄉多惠藥鬼俗有符威自說身輕健今年數夢飛

邊游

古鎮門前去長安路在東天寒明堠火日晚裂旗風一作

天晴槐葉露
日暮蒼花風

塞館皆無事

一作
簾

儒裝亦有弓防秋故鄉

卒暫喜語音同

夜泊淮陰

夜入楚家煙煙中人未眠望來淮岸盡坐到酒樓前燈

影半臨水，箏聲多在船。乘流向東去，別此易經年。

遠水

渺渺浸天色，一邊生晚光。

一作涼

闊浮

一作含

萍思

一作勢

遠

寒入鴈愁長，北極連平地。東

一作南

流即

一作接

故鄉扁舟

來

一作當

宿處，髣髴似瀟湘。

黃州

一作河

暮愁

凌澌衝淚眼，重疊自西來。即夜寒應合，非春暖不開。豈無登陸計，宜棄濟川材。願寄浮天外，高風萬里回。

曉

一作早

發昭應

行人見雪愁初作帝鄉

一作京

游旅店開偏早鄉帆去未

收燈殘催卷席手冷怕梳頭是物寒無色湯泉正

一作祇

自流

贈金州姚合使君

為郎名更重領郡是蹉跎官壁題詩盡衙庭看鶴多城

池連草

一作竹

塹籬落帶椒坡未覺旗旂

一作旌

貴閒行

一作

遊觸處過

送殷中丞遊邊

話別無長夜燈前聞曙鷄已行難避雪何處合逢花野
寺門多閉羌樓酒不賒還須見一作問邊將誰擬靜塵沙

寄坐夏僧

坐夏日偏長知師在律堂多因束帶熱更憶剃頭涼苔
色侵經架松陰到簟床還應鍊詩句借卧石池傍

寄盧式

到處久南望未知何日回寄書頻到海得夢忽聞雷嶺

日當秋暗蠻花近臘開白身居瘴癘誰不惜君才

日東

一作本

病僧

雲水絕歸路來時風送船不言

一作已無

身後事

一作念

猶坐

病中禪深壁藏燈影空窗出艾煙已無鄉土信起塔寺

門前

一作要人知是客
白日指生緣

泛溪

溪船泛渺瀰漸覺減炎輝

一作溪舟泛數
里便覺少炎輝

動水花連影

逢人鳥背飛深猶見白石涼好換生衣未得多詩句終

須隔宿歸

送顧少府

一作送顧逢尉永康

作尉年猶少無辭去路賒漁舟縣前泊山吏日高衙幽

景臨谿寺秋蟬織杼

一作杼

家行程須過越先

一作應

醉鏡

湖花

咸陽別李處士

古道自迢迢咸陽離別橋越人聞水處秦樹帶霜朝駐

馬言難盡分程望易遙秋前未相見此意轉

一作各

蕭條

寄流人

毒草不曾枯長添客健無霧開蠻市合船散海城孤衆
跡頻藏齒龍涎遠蔽珠家人秦地老泣對日南圖

華頂道者

仙人掌中住生

一作坐

有上天期已廢燒丹處猶多種杏

時養龍於淺水寄鶴在高枝得道復無事相逢盡日棊
酬從叔聽夜泉見寄

夢罷更開戶寒泉聲隔雲共誰尋最遠獨自坐偏聞巖

際和風滴溪中泛月分豈知當此夜流念到江濱

和李用夫栽小松

移來未換葉已勝在空

一作深

山靜對心標直遙吟境助

閒影侵殘雪際聲透小窻間即聳凌空幹脩脩豈易攀

哭南流人

遙見南來使江頭哭問君臨終時有雪旅葬處無雲官

庫空收劍壘

一作山

僧共起墳知名人尚少誰為錄遺文

經李白墓

夜郎歸未老醉死此江邊
葬闕官家禮詩殘樂府篇
遊魂應到蜀小碣豈旌賢
身沒猶何罪遺墳野火燃

春夜樊川竹亭陪諸同年讌

相知皆是舊每恨獨遊頻
幸此同芳夕寧辭倒醉身
燈光遙映燭萼粉暗飄茵
明月分歸騎重來更幾春

送僧

靈山巡未徧不作住持心
逢寺暫投宿是山皆獨尋
有時過靜界在處想空林
從小即行脚出家來至今

送蘇處士歸西山

南遊何所為一篋又空歸
守道安清世無心換白衣
深林蟬噪暮絕頂客來稀
早晚重相見論詩更及微

遊爛柯山

步步出塵氛溪山別是春
壇邊時過鶴碁處寂無人
訪古碑多缺探幽路不真
翻疑歸去晚清世累移晨

送友人之永嘉

長貧知不易去計擬何逃
相對人愁別經過幾處勞
城

連沙岫遠山斷夏雲高猶想成詩處秋燈半照濤

巴中逢故人

勞思空積歲偶會更無由以分難相捨將行且暫留
路岐何處極江峽半猿愁到此分南北離懷豈易收

送歸江州友人初下第

一作送友人下第歸

名高不俟召收採獻君門偶屈因緣數他人盡為冤
新春城外路舊隱水邊村歸去無勞久知君更待論

舜城懷古

禪禹遜堯聰巍巍盛此中四隅咸啟聖萬古賴成功道
德去彌遠山河勢不窮停車一再拜帝業即今同

送劉道士之成都嚴真觀

嚴公通老子
易以成道

嚴君名不朽道出二經中歸去精誠懇還應夢寐通池
臺鏡定月松檜雨餘風想對靈玄憶人間戀若空

漢南遇友人

此身西復東何計此相逢夢盡吳越水恨深襄漢鐘積
雲開去路曙雪疊前峰誰即知非舊憐君忽見容

遊頭陀寺上方

高步陟崔嵬吟閑路惜迴寺知何代有僧見梵天來暮
靄連沙積餘霞徧檻開更期招靜者長嘯上南臺

送友人遊河東

停車曉燭前一語幾潸然路去干戈日鄉遙饑饉年湖
波晴見鴈槐驛晚無蟬莫縱經時住東南書信偏

中秋夜懷

趨馳早晚休一歲又殘秋若只如今日何難致白頭滄

波歸處遠旅食尚

一作向

遠愁賴見前賢說窮通不自由

寄富春孫路處士

平生醉與吟誰是見君心上國一歸去滄江閑至今鐘
鯨秋寺近峰閣晚濤深疎放長如此何人長得尋

送客歸新羅

君家滄海外一別見何因風土雖知教程途自致貧浸
天波色晚橫笛鳥行春明發千檣下應無更遠人

杭州江亭留題登眺

處處日馳銷憑軒夕似朝漁翁閑鼓擢沙鳥戲迎潮樹
間津亭密城連塢寺遙因誰報隱者向此得耕樵

荊州夜與友親相遇

山海兩分歧停舟偶似期別來何限意相見却無辭坐
永神凝夢愁繁髮欲絲趨名易遲晚此去莫經時

送友人遊邊

方春到帝京一作城有戀有愁并萬里江海思半年沙塞

程綠陰斜向驛殘照遠侵城自可資新課還期振盛名

題贈宣州元拾遺

傳騎一何催
山門晝未開
高人終避世
聖主不遺才
坐次軟臨水
門中獨舉杯
誰為旦夕侶
深寺數僧來

姚氏池亭

池館饒嘉致
幽人愜所閒
條風能動浪
岸樹不遮山
嘯檻魚驚後
眠窓鶴語間
何須說廬阜
深處更躋攀

送友人之江南

東南路苦辛
去路見無因
萬里此相送
故交誰更親
日

浮汀草綠煙霽海山春握手無別贈為予書札頻

彭蠡湖春望

湖亭東極望遠櫂不須迴
遍草新湖落連天衆雁來
蘆洲殘照盡雲障積煙開
更想鴟夷子扁舟安在哉

聞友人會裴明府縣樓

閒閣雨吹塵陶家揖上賓
湖山萬疊翠門樹一行春
景遍歸簷燕歌喧已醉身
登臨興不足喜有數來因

歸家山行

獻賦才何拙經時不恥歸能知此意是甘取衆人非過
隴耕無圃緣溪釣有磯此懷難自遣期在振儒衣

長安書懷呈知己

江湖歸不易京邑計長貧獨夜有知己論心無故人一
燈愁裏夢九陌病中春為問清平日無門致出身

聞蟬

動葉復驚神聲聲斷續勻坐來同聽者俱是未歸人一
擢三湘浪單車二蜀塵傷秋各有日千可念因循

李處士道院南樓

霜晚復秋殘樓明近遠山滿壺邀我醉一榻為僧閒樹
簇孤汀眇帆歌積浪間從容更南望殊欲外人寰

送顧非熊及第歸茅山

吟詩三十載成此一名難自有恩門入全無帝里歡湖
光愁裏碧巖景夢中寒到後松杉月何人共曉看

春日題李中丞樊川別墅

心知受恩地到此亦裴回上路移時立中軒隔宿來川

光通治止寺影帶樓臺無限成蹊樹花多向客開

龍州與韓將軍夜會

庭綠草纖纖邈州白露沾別歌綠劍起客淚是愁添見
月鵲啼樹避風雲滿簾將軍盡尊酒樓上賦星占

途中逢故人

長大有南北山川各所之相逢孤館夜共憶少年時爛
醉百花酒狂題幾首詩來朝又分袂後會鬢應絲

送友人下第歸襄陽

失意已春殘，歸愁與別難。
山分關路細，江遶夜城寒。
草色連晴坂，鼉聲離曉灘。
差池是秋賦，何以暫懷安。

宿山寺

栗葉重重覆翠微，黃昏溪上語人稀。
月明古寺客初到，風度閒門僧未歸。
山果經霜多自落，水螢穿竹不停飛。
中宵能得幾時睡，又被鐘聲催著衣。

病鶴

青雲有意力猶微，豈料低回得所依。
幸念翅因風雨困，

豈教身陷稻粱肥曾遊碧落寧無侶見有清池不忍飛
縱使他年引仙駕主人思在亦應歸

夢仙

昨宵魂夢到仙津得見蓬山不死人雲葉許裁成野服
玉漿教喫潤愁身紅樓近月宜寒水綠杏搖風占古春
次第引看行未徧浮光牽入世間塵

古扇

昨日裁成奪夏威忽逢秋節便相違寒塵妬盡秦王女

涼殿恩隨漢主妃似月舊臨紅粉面有風休動麝香衣

千年蕭瑟關人

一作人間

事莫語

一作話

當時掩淚歸

涇州聽張處士彈琴

邈州獨夜正思鄉君又彈琴在客堂
髣髴不離燈影外似聞流水到瀟湘

贈別

魚在深泉鳥在雲從來只得影相親
他時縱有逢君處應作人間白髮身

對鱸

行到鱸魚鄉裏時
鱸盤如雪怕風吹
猶憐醉裏江南路
馬上垂鞭學釣時

憶朝陽峰前居

每憶閑眠處
朝陽最上峰
溪僧來自遠
林路出無蹤
敗褐粘苔徧
新題出一作在石
重霞光侵曙
發嵐翠近秋濃

健羨機能破安危
道不逢雪殘一作僧猿一作到閣
庭午鶴離

松此地虛為別人間
久未容何時無一事
却去養疎慵

暮上瞿唐峽

自古艱難地孤舟旦暮程獨愁空託命省已是輕生有
樹皆相倚無巖不倒傾蛟螭波數怒鬼怪火潛明履道
知無負離心自要驚何年面骨肉細話苦辛行

和李中丞醉中期王徵君月夜同遊瀟水舊居
醉後情俱遠難忘素瀟間照花深處月當戶舊時山事
想同清話歡期一破顏風流還愛竹此夜尚思閒

濁水求珠

靈魄自沉浮從來任濁流願從深處得不向暗中投圓
月時堪惜滄波路可求沙尋龍窟遠泥訪蚌津幽是寶
終知貴唯恩且用酬如能在公掌的不負明眸

江村夜泊

日一作月落江路一作村黑前村人語稀幾家深樹裏一作

點火夜漁一作照船歸

落第後歸覲喜逢僧再陽

相逢須強笑人世別離頻去曉一作曉去長侵月歸鄉動隔

春見僧心暫靜從俗事多屯宇宙詩名小山河客路新

翠桐猶入爨青鏡未辭塵逸足常思驥隨羣且一作自退

鱗宴乖紅杏寺愁在綠楊津羞一作老病難為藥開眉嬾

顧一作人

賴故

送越僧元瑞

靜中無伴侶今亦獨隨緣昨夜離空室焚香淨去船

舊宮人

自出先皇玉殿中衣裳不更染深紅宮釵折盡垂空鬢

內扇穿

一作遮一作藏一作搖

多減半風桃熟亦曾君手賜酒闌

猶候妾歌終如今還向城邊住御水東流意不通

夢遊仙

夢遊飛上天家樓珠箔當風挂玉鉤鸚鵡隔簾呼再拜
水仙移鏡嬾梳頭丹霞不是人間曉碧樹仍逢岫外秋
將謂便長於此地雞聲入耳所堪愁

送宮人入道

願隨仙女董雙城王母前頭作

一作結

伴行初戴玉冠多

悞拜欲辭金殿別稱名將敲碧落新齋磬却進昭陽舊
賜筭旦暮焚香繞壇上步虛猶作按歌聲

長安退將

塞外衝沙損眼明歸來養病住秦京上高樓閣看星坐
著白衣裳把劍行常說老身思鬪將最悲無力制蕃營
翠眉紅臉和回鶻惆悵中原不用兵

遙裝夜

卷席貧拋壁下床且鋪他處對燈光欲行千里從今夜

猶惜殘春發故鄉
蚊蚋已生團扇急
衣裳未了剪刀忙
誰知更有芙蓉浦
南去令人愁思長

送苗七求職

相逢未得三回笑
風送離情入剪刀
客路最能銷日月
夢魂空自畏波濤
獨眠秋夜琴聲急
未拜軍城劍色高
一作遠拜城隍劍氣高
去去綠多山與海
鶴身寧肯一作不為飛勞

山行

一作山中作

青櫪林深

一作疎

亦有人一渠流水數家分
山當日午回

一作移

峰影草帶泥痕過鹿羣蒸茗氣從一作衡茅舍出綠

絲聲隔竹籬聞行逢賣藥歸來客不惜相隨入島雲

題永忻寺影堂

不遇修寺日無錢入影堂故來空禮拜臨去重添香僧

得名難

一作雖

近燈傳火已長發心依止後借住有鄰房

獻令狐相公時相公郊壇行事回

一作趙
暇詩

鶚在卿雲冰在壺代天才業本訐謨榮同伊陟傳朱戶

秀比王商入畫圖昨夜星辰回劍履前年風月滿江湖

不知機務時多暇還許詩家屬和無

句

佳人背江坐眉際列煙樹

庾樓燕

馬蹄沒青莎船跡成

空波

春風吹兩意何意更相值

古意見張為主客圖

更

望會稽何處是沙連竹箭白鵬羣

見吟窗雜錄

御定全唐詩卷五百五十四